

**Poli ka letere min ci  
FILEMON  
ma  
Kitabu faamucogo**

Yesu ta ciraden Poli ka nin letere ni Kolosikaw ta letere sebe k'a to kaso ra Romu. Onezimu ni Tisiki le tagara ni o letere fla ye.

A ka nin letere sebe k'a ci Filemon le ma.

Filemon tun ye Kolosi dugu lanabaga do ye, min tun ka loyoro ba ta Ala ta baara ra. Baarden do tun be Filemon fe, min togo tun ye ko Onezimu. Onezimu tun ka Filemon borofen do ta, ka bori ka taga fo Romu, sabu a tun be se ka faga o ko koson. Ka Onezimu to Romu, Poli ka Kibaro Diman fo a ye, a sonna Ala ta kuma ma. O koson Poli be nin letere sebe k'a ci a matigice Filemon ma, k'a jini a fe ko a ye yafa Onezimu ma, ka son k'a ta baara ra tuun, a kana a ta kewale juru sara a ra. A ka kan k'a mina i ko a balema, a kana ke tuun i ko jon. Poli be o kumaw le fo Filemon ye, k'a gbeleya kosebe.

Nin letere ka surun, sabu sura kelen doron lo, nka a nafa ka bon. A b'a yira an na ko Ala te mogo bo mogo ra. Ala be baarden, walama jon kisi cogo min na, a be a matigice fana kisi o cogo kelen le ra. A b'a yira an na fana ko lanabagaw ka kan ka yafa jogon ma, ka jogon kanu, hali ni do ka kojugu ke do ra.

**Kitabu konokow**

Poli be Filemon ni a jehjogonw fo (1-3)

Poli be baraka la Ala ye Filemon koson (4-7)

**Pɔli bɛ Filemɔn daari Onezimu kosɔn (8-22)  
Pɔli ta kumalaban (23-25)**

*Pɔli ta fori*

*(Timote flanan 1.1-5; Yuhana sabanan 2,6)*

<sup>1</sup> Ne Pɔli, ne min kɛra kasoden ye Yesu Kirisita tɔgɔ kosɔn, ne ni an balemace Timote, anw bɛ nin sɛbɛ ci Filemɔn ma, an baarakeɲogɔn kanunin, <sup>2</sup> ani an balemamuso Afiya, ani an jɛɲogɔn Arisipi, min ye an demɛbaga ye an ta kɛrɛ ra, ani lanabaga minw bɛ lajɛn ele Filemɔn yɛrɛ ta so kɔnɔ. <sup>3</sup> An Fa Ala ni an Matigi Yesu Kirisita ye nɛɛma aw ye, ka hɛra kɛ aw ye.

*Filemɔn ta kanuya ni a ta lanaya*

<sup>4</sup> Ne balemace Filemɔn, tuma o tuma ni ne bɛ Ala daari, ne bɛ baraka la a ye ele ta ko ra. <sup>5</sup> Sabu i lanin bɛ Matigi Yesu ra cogo min na, ani i ka Ala ta mɔgɔ saninmanw mina ni kanuya min ye, o kibaroya bɛɛ sera ne ma yan. <sup>6</sup> O kosɔn ne bɛ Ala daarira i ye, janko i bɛ jɛɲogɔnya min na lanaya ra ni an ye, dɔ belɛn ye fara o kan; o fana ye kɛ sababu ye k'a to an ka fɛɲuman minw sɔrɔ Yesu Kirisita fɛ, i ye o lon ka ja. <sup>7</sup> Ne balemace Filemɔn, i ta kanuya ko kɔni ka ne jusu diya, ka ne jusu saaro kosebɛ; sabu i ka Ala ta mɔgɔ saninmanw jusu saaro.

*Pɔli bɛ Filemɔn daari Onezimu ta ko ra  
(Kɔlɔsikaw 4.7-9; Korɛntikaw fɔlɔ 13.4-7)*

<sup>8</sup> O kosɔn, ne balemace, ne tun bɛ se ka i jagboya Kirisita\* tɔgɔ kosɔn, ka i ta kokɛta yira i ra; <sup>9</sup> nka ne k'a ye ko a ka fisa ne ye i daari le kanuya kosɔn. Ne Pɔli, ne kɛra cɛkɔrɔba ye, nka

ka fara o kan tuun, ne blara kaso ra Yesu Kirisita togo koson.

<sup>10</sup> Ne be i daarira ne dence Onezimu\* ta ko le ra, ne kera min fa ye kasobon konɔ yan. <sup>11</sup> Ne k'a lon ko wagati temenin, a ma ko ja i ye, nka sisan ele o, ne o, a bena ko ja an fla bee ye.

<sup>12</sup> Ne be a kosegi i ma tuun, ale min kera i n'a fo ne yere farisogo do. <sup>13</sup> Ne koni tun b'a fe a ye to ne korɔ yan, janko ka ne to negɛjɔrɔkɔw ra kaso ra yan Kibaro Diman\* koson, a ye baara dow ke ne ye ele yere no ra. <sup>14</sup> Nka ne tun t'a fe ka foyi si ke, ni min ma ben i ma, janko i bena kopuman min ke ne ye, o kana ke jagboya ye, nka a ye ke i yere sago ye.

<sup>15</sup> I b'a sorɔ ko i ni Onezimu faranna jogon na wagati doonin le, janko a ye seko i ma ka to ni i ye tuma bee. <sup>16</sup> A kana ke jon ye tuun, nka a ye fisaya ni jon ye, ka ke i ko i balema kanunin; a ko ka gbelen ne ma, nka a ko belen ka kan ka gbɛleya ele ma ka teme ne ta kan; sabu aw fla bee bena ke jogon fe Matigi ta jɛnjɔgɔnya ra.

<sup>17</sup> Ayiwa, ni i koni be ne jate i teri ye, o tuma Onezimu mina ka ja i n'a fo i tun bena ne yere mina cogo min na. <sup>18</sup> Ni a kera ko a ka fen do cen i fe, walama ni i ta juru le b'a ra, ne le bena o juru sara i ye. <sup>19</sup> Ne Poli be nin sebe ni ne yere boro ye, ko ne bena o juru bee sara i ye. Ne yere ta juru min be ele ra, ne tena o fo, nka o korɔ ye ko ele yere kuturu bee ye ne ta le ye!

---

\* **1:10** 1.10 Onezimu togo korɔ ye ko: mogo paciman.

<sup>20</sup> Ne balemace, ne be i daari ko i ye nin kojuman kelen ke ne ye Matigi koson; sabari ka ne jusu suma Kirisita\* ta jengonya koson.

<sup>21</sup> Ne lara a ra ko ne ka min daari i fe, ko i bena o ke, o le koson ne ka nin sebe ci i ma, sabu ne k'a lon ko i bena min ke, o bena teme ne ta fota yere kan.

<sup>22</sup> Ayiwa, ne b'a fe i ye bon do laben ne ye, sabu ne jigi b'a kan ko o bena ne labla aw ye lon do, aw ta daariri baraka ra.

*Fori laban*

<sup>23</sup> Ne kasodenjogon Epafirasi, min be kaso ra Yesu Kirisita togo koson, ale be i fo. <sup>24</sup> Ne baarakenjogon tow, Marika, ani Sitariki, ani Demasi, ani Luka, olugu fana be i fo.

<sup>25</sup> An Matigi Yesu Kirisita ye nema aw ye.

**Biblu Ala ta Kuma**  
**Jula: Biblu Ala ta Kuma Bible**

copyright © 2013 Wycliffe Bible Translators, Inc.

Language: Julakan

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

0c9588de-99ac-53f9-aa9b-6885106dcde8